

18 AUG 1997

DR MAHATHIR DIRAI PADA JAMUAN MAKAN MALAM SEMUA KAUM

KUCHING, 18 Ogos (Bernama) -- Datuk Seri Dr Mahathir Mohamad dan isteri, Datin Seri Dr Siti Hasmah Mohd Ali, yang sedang dalam lawatan rasmi dua hari ke Sarawak, malam ini diraikan dalam satu majlis makan malam semua kaum di sini.

Ketibaan mereka ke majlis itu yang diadakan di Dewan Santapan, Dewan Undangan Negeri di Petra Jaya, disambut Ketua Menteri, Tan Sri Haji Abdul Taib Mahmud dan isteri, Puan Sri Hajah Laila.

Lebih 400 tetamu terdiri daripada pemimpin masyarakat tempatan dan ketua-ketua jabatan kerajaan negeri dan persekutuan menghadiri majlis itu.

Yang turut hadir ialah Timbalan Ketua Menteri, Tan Sri Alfred Jabu dan Datuk Dr George Chan serta menteri-menteri Kabinet negeri.

Menteri Pertanian, Datuk Amar Dr Sulaiman Daud dan Menteri Sains, Teknologi dan Alam Sekitar, Datuk Law Hieng Ding, juga hadir.

Perdana Menteri tiba di Miri pagi tadi sebelum terbang ke sini petang ini setelah menamatkan lawatan dua hari ke Sabah.--BERNAMA

opp oba